

# Pol ndê bapia têtj

## Pilemon

### Yom whê bapia dindec sa-nga

Pilemon dau iŋ ngac kêtj whiŋ Pômdau-nga naŋ ndöc malac Kolosi, ma iŋ ngac ti lêlôm. Muŋ-nga Pilemon gêmli ngac daŋ ŋaê Onesimus bu ti iŋ ndê ngac akiŋ ŋambwa, magoc malô iŋ siŋ Pilemon ma kôlhô gi mbo malac daŋ. Tiŋambu Onesimus ŋgô ŋawaê ŋayham naŋ Pol hoc asê e iŋ gêm dau kwi ma kêtj whiŋ Yisu. Iŋlu sêmbo sêwhiŋ dau e Pol bu êŋkiŋ Onesimus mbu têtj Pilemon ndi, dec to bapia dindec têtj iŋ. Lau Rom-nga si yomsu daŋ yêc bocdec bu, ngac akiŋ bocke naŋ siŋ ndê ŋadau ma kôlhô su yêc iŋ, naŋ tôm bu ŋadau ndic iŋ ndu. Tu dinaŋ-nga dec Pol to bapia ma ndac Pilemon bu kôc Onesimus sa ti atac ŋayham, ma lic iŋ tôm ngac akiŋ dom, magoc tôm asidôwa kêtj whiŋ-nga daŋ. Bu kwahic dec ngac dau kêtj whiŋ Yisu Kilisi.

---

### Pol whê bapia dindec ŋahu sa

<sup>1</sup>Aô Pol, naŋ gandöc gapocwalô tu Yisu Kilisi-nga, alu Timoti yac neŋ asidôwa, ato bapia dindec têtj Pilemon, alu mba silip ŋayham naŋ kôm Anötö ndê gwelêŋ whiŋ alu. <sup>2</sup>Ma yac ato têtj lau sêkêŋ whiŋ-nga naŋ êlêmê sêkac sa bu sêlic om sêmbo am nem andu, ma têtj yac neŋ lhuŋwê Apia, ma têtj Akipus yac neŋ asidôwa naŋ kôm gwelêŋ whiŋ yac tôm Anötö ndê ngac siŋ-nga ŋayham. <sup>3</sup>Mwasij ti yom malô akêŋ Damaŋ Anötö lu Pômdau Yisu Kilisi, têtj mac hoŋ.

### Pol gêm danŋe Anötö tu Pilemon-nga

<sup>4</sup>Yêc aneŋ mbec hoŋ ŋalôm, aô gauc gêm am, ma gam danŋe aneŋ Anötö tu am-nga. <sup>5</sup>ŋahu bu aô gaŋgô bu am kêtj whiŋ Pômdau Yisu ŋanŋa, ma am atac whiŋ Anötö ndê lau dabuŋ hoŋ. <sup>6</sup>Aô gateŋ mbec bu mwasij ŋayham hoŋ naŋ yac datap sa yêc Kilisi, naŋ oc lhac am nem gauc ŋamata tôm bêc hoŋ. Ma bocdinaŋ am nem kêtj whiŋ oc nem ŋandô daêsam ma nem lau daêsam

sa. <sup>7</sup>O aneŋ asidôwa, ŋawaê pi am nem mêtê atac whiŋ lau sêkêŋ whiŋ-ŋga ti gêm ŋac sa-ŋga, dec kôm aô atac ŋayham atu ma puc aô dôn.

### Pol gêm malô Pilemon ndê ŋalôm tu Onesimus-ŋga

<sup>8</sup>Aô bu wandac am tu gêŋ daŋ-ŋga. Gitôm bu wandic atu am bu kôm gêŋ dau tu Kilisi ndê ŋaê-ŋga. <sup>9</sup>Magoc tu mêtê atac whiŋ dauŋ-ŋga, dec wasôm ŋambwa têŋ am. Am kêyalê aô su, aô ŋac andô Pol naŋ gandôc gapocwalô tu Yisu Kilisi-ŋga. <sup>10</sup>Aô bu wanem aô neŋ balê Onesimus awha têŋ am. Iŋ ŋgô mêtê naŋ aô gahoc asê yêc gapocwalô, ma kêŋ whiŋ dec aô gasam iŋ bu aô atuŋgac. <sup>11</sup>Muŋ-ŋga iŋ gêm akiŋ am, tigeŋ iŋ hu am siŋ dec am gêlic iŋ bu ŋac akiŋ sac. Magoc kwahic dec iŋ ti ŋac akiŋ ŋayham tôm bu oc nem alu lu-lu sa. <sup>12</sup>Aô tac whiŋ iŋ ŋandô, magoc kwahic dec waŋkiŋ iŋ mbu têŋ am loc. <sup>13</sup>Aô gandôc gapocwalô tu gwelêŋ ŋawaê ŋayham-ŋga, ma aô tac whiŋ bu wakôc Onesimus dôn gacgeŋ mbo whiŋ aô bu nem aô sa. Am bu lic ŋayham bu hu iŋ siŋ bu mbo whiŋ aô, dec am oc nem aô sa ŋandô. <sup>14</sup>Magoc aô gatec bu wakac am bu hu iŋ siŋ têŋ aô. Aô atac whiŋ bu am kôm tu am daôm nem atac whiŋ-ŋga. Tu dinaŋ-ŋga dec aô oc wakôc iŋ dôn bu mbo whiŋ aô lec dom, bu aô gaŋgô yom gatô yêc am su dom.

<sup>15</sup>Mboe Anötö gêlic ŋayham bu Onesimus hu am siŋ ŋasawa apê, tu bu iŋ tap seŋ ndôc tali ŋapaŋ-ŋga sa, ma bocdinaŋ iŋ oc mbu loc ma mbo whiŋ am ŋapaŋ eŋ. <sup>16</sup>Ma iŋ oc mbo whiŋ am gitôm ŋac akiŋ ŋambwa dom. Kwahic dec iŋ hóc gêlêc ŋac akiŋ, iŋ ti am nem asidôwa tac whiŋ-ŋga solop. Aô atac whiŋ iŋ ndu andô, magoc aô kayalê bu am oc atac whiŋ iŋ hóc gêlêc. Ŋahu bu iŋ am nem ŋac akiŋ, ma iŋ am nem asidôwa kêŋ whiŋ Pômdau-ŋga whiŋ.

<sup>17</sup>Bocdinaŋ am bu lic aô tôm nem asidôwa daŋ, dec kôc iŋ sa tôm am kôc aô dauŋ sa. <sup>18</sup>Giso me tôp bocke naŋ iŋ kôm têŋ am, naŋ hu siŋ sip aô amaŋ. <sup>19</sup>Aô Pol gato yom dindêc ŋa aô dauŋ amaŋ, ma aô wasôm têŋ am bu aô oc waô iŋ ndê tôp têŋ am. Magoc gauc nem bu am daôm nem tôp yêc aô bocdinaŋ, ŋahu bu tu aô-ŋga dec am tap seŋ mbo tamli-ŋga sa. <sup>20</sup>O aneŋ asidôwa, aô wandac am bu kôc Onesimus sa tu Pômdau Yisu Kilisi ndê ŋaê-ŋga, dec oc kôm aneŋ ŋalôm tigahô. <sup>21</sup>Aô gato bapia dindêc têŋ am, ma gakêŋ whiŋ bu am oc sôc aneŋ yom ŋapu, ma kôc Onesimus sa ti atac whiŋ, hóc gêlêc gêŋ naŋ aô gandac, naŋ su.

### Yom ŋambu-ŋga

<sup>22</sup>Ma gêŋ daŋ tiyham. Aô wandac am bu êmasaŋ am nem andu ŋalôm daŋ gwanaŋ, tu aô waloc wambo-ŋga. Ŋahu bu aô gakêŋ whiŋ bu Anötö oc ŋgô mac nem mbec, dec gakêŋ bataŋ bu wahu gapocwalô siŋ ma wati ŋacleŋ mac. <sup>23</sup>Epapras naŋ ndôc gapocwalô whiŋ aô tu Yisu Kilisi-ŋga, naŋ kêŋ ndê acsalô têŋ am. <sup>24</sup>Ma Mak lu Aristakus, ma Demas lu Luk naŋ sêkôm gwelêŋ sêwhiŋ aô, naŋ bocdinaŋ.

<sup>25</sup>Pômdau Yisu Kilisi ndê mwasij puc mac hoŋ nem ŋalôm dôn.